



Inatsisartuni ilaasortaq Mikivsuk Thomassen, Inuit Ataqaqitiit

Siorapaluk pillugu § 37 naapertorlugu apeqquteqaammut 2018-115-imut akissut

11-07-2018
Sags nr.: 2018 - 13198
Dok. nr. 31488922

Asasara Mikivsuk Thomassen

Inatsisartut suleriaasianni § 37 naapertorlugu apeqquteqaatinut nassiussannut qjanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1: Siorapalummi nuna annertoq sisoornikummat Naalakkersuisut qanoq suliniarpat illut aqqusineqqallu aserfallassimasut pillugit?

Akissut: Kalaallit Nunaanni annaassiniarnissamut upalungaarsimaneq aamma ikualattoornissamik qaartoornissamillu pitsaaliuinermi iliuusissat pillugit Inatsisartut inatsisaanni nr. 14-imi, 26. maj 2010-meersumi allassimavoq, kommunit annaassiniarnissamut upalungaarsimasunik pilersitsisussaasut. Annaassiniarnissamut upalungaarsimasut ajutoornerni ajunaarnersuarnilu, imaluunniit taamaattoqarnissaanik annertuumik aarlerinartorsiornermi inuit, pigisat avatangiisillu ajoqusernissaannik pitsaaliuinissaq, killilersimaartitsinissaq ikiorsiinissarlu suliassaraat.

Taamaattumik Avannaata Kommunua immikkoortumi tassani akisussaasutut oqartussaasuvoq. Ilisimatitsissutigineqarsinnaavoq, aatsaat kommunip upalungaarsimasuinit saaffiginnittoqassappat Naalakkersuisut iliuusaasinnaasunut aalajangiisussaasut paasiniaasussaasullu.

2: Siorapalummi nuna sisoornikoq pillugu suliaqartoqarpat qaqugu suliassaqa aallartinneqassava? Suliniut qaqugu naammassillugulu saqqummiunnissaa naatsorsuutigineqarpa?

Akissut: Apeqqut nr. 1-imut akissut takuuk.

Apeqqut 3: Siorapalummi pisumi akisussaasut kikkuuppat? Kommune immaqaluunniit Namminersorlutik Oqartussat?

Akissut: Apeqqut nr. 1-imut akissut takuuk.

4: Siorapalummi pisoq imak annertutigisimappat Namminersorlutik Oqartussanut kiap suliakkiutigisinnaavaa?

Akissut: Apeqqut nr. 1-imut akissut naapertorlugu kommuni aamma "pisuni annerusuni" immikkoortumi tassani akisussaasutut oqartussaasuvoq. Ajunaarnersuarnik oqartussaasuusut arlallit akuuffigisaannik pisoqartillugu Namminersorlutik Oqartussat suliniutinik ataqaqtiissaarisuusinnaapput, kisiannili akisussaaffik immikkoortuni akisussaasutut oqartussaasut tigummiinnartussaavaat.

Naggasiutigalugu ilisimatitsissutigisinnaavara, Pinngortitamut Avatangiisinullu Naalackersuisoqarfiup ilisimatitsissutigimmagu Upalungaarsimanermut Ataatsimiititaliap allattoqarfia kiisalu politimestereqarfik Siorapalummi pisoq pillugu najukkami upalungaarsimanermut pisortamit ilisimatinneqarsimasut. Aamma Pinngortitamut Avatangiisinullu Naalackersuisoqarfiup ilisimatitsissutigaa sukkulluunniit avataaniit ikiorserneqarnissaq pisariaqarsimanngitsoq, pisorlu pisutut annertunerusutut ajunaarnersuartulluunniit inissinneqarsinnaanngitsoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Simon Simonsen